

ხელშეკრულება № — სახელმწიფო შესყიდვის შესახებ

(წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი)

ქ. თბილისი

20-- წლის —————

ერთი მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველი“)
წარმოდგენილი ————— სახით და

მეორე მხრივ, ————— (შემდგომში „მიმწოდებელი“) წარმოდგენილი ————— სახით,

„სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, ელექტრონული ტენდერის (SPA-----) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს მომსახურების მიწოდებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული შესყიდვის ობიექტი.
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც ხელშეკრულების განუყოფელი ნაწილია.

2. შესყიდვის ობიექტი

- 2.1. შესყიდვის ობიექტს წარმოადგენს: **დასუფთავება და სანიტარული მომსახურების შესყიდვა (შემდგომში მომსახურება). CPVკოდი 90900000.**
- 2.2. შესყიდვის ობიექტის დასახელება, დეტალური აღწერა და პირობები მოცემულია ტექნიკურ დავალებაში, რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1 ხელშეკრულების ჯამური ღირებულება დღგ-ს გარეშე (ან დღგ-ს ჩათვლით) შეადგენს:
- ლარს. (სახელშეკრულებო თანხა ციფრობრივად, სიტყვიერად)
- 3.2 გასაწევი მომსახურების ერთეულის ფასი, რაოდენობა და საერთო ღირებულება მოცემულია ხელშეკრულების დანართში, რომელიც ხელშეკრულების განუყოფელი ნაწილია.

4. მომსახურების მიწოდების პირობები და ადგილი

- 4.1 მომსახურების მიწოდება განხორციელდება 2020 წლის 01 იანვრიდან 2020 წლის 31 დეკემბრის ჩათვლით.
- 4.2 ხელშეკრულებით გათვალისწინებული მომსახურების მიწოდება ხორციელდება: ქ. თბილისში, ქ. ახალციხეში, და ქ. სამტრედიის ტექნიკური დავალების შესაბამისად.

5. მხარეთა უფლება-ვალდებულებები

5.1 შემსყიდველს უფლება აქვს :

- 5.1.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;
- 5.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.
- 5.1.3 მოთხოვოს მიმწოდებელისგან ხელშეკრულების ჯეროვანი, დროული და კეთილსინდისიერი შესრულება.
- 5.2 შემსყიდველი ვალდებულია:**
- 5.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.
- 5.2.2 დაიცვას ხელშეკრულებით გათვალისწინებული პირობები.
- 5.3 მიმწოდებელს უფლება აქვს:**
- 5.3.1 მოთხოვოს შემსყიდველს მიწოდებული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.
- 5.4 მიმწოდებელი ვალდებულია:**
- 5.4.1 უზრუნველყოს ხელშეკრულების პირობების შესრულება ტექნიკური დავალების შესაბამისად;
- 5.4.2 შესყიდვის ობიექტის მიწოდების პროცესში არსებული შეფერხების შესახებ აცნობოს შემსყიდველს;
- 5.4.3 შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ;
- 5.4.4 უზრუნველყოს ჭერის და კედლების დასუფთავება - ჭერი და კედლები ადგილზე უნდა გაიწმინდოს კვირაში ერთხელ მშრალად, ხოლო თვეში ერთხელ სველი ჩვრით შესაბამისი ხსნარის გამოყენებით. კედლის საფარზე არ უნდა იყოს ხილული ლაქები, ჩამჯდარი ჭუჭყი, მტვერი და ობობის ქსელები;
- 5.4.5 უზრუნველყოს სხვადასხვა მყარი იატაკების და მათი კუთხეების (გრანიტი, მეტლახი, პარკეტი, ლამინატი და ა.შ) დასუფთავება - იატაკები უნდა დაიგავოს ყოველდღიურად და მოიწმინდოს სპეციალურ ხსნარში დასველებული ჩვრით. იატაკზე არ უნდა იყოს ღრმად ჩამჯდარი ჭუჭყი, ლაქები და მტვერი;
- 5.4.6 უზრუნველყოს ფანჯრებისა და მინისებური ზედაპირის წმენდა - მინებზე მტვერი უნდა გაიწმინდოს ყოველდღიურად. გულუას ქუჩაზე მდებარე შენობის გარე ფანჯრები (სავარაუდო ფართობი 380 კვმ) უნდა გაიწმინდოს თვეში ერთხელ შიგნიდან და გარედან. ფანჯრის თაროები უნდა იყოს ყოველთვის სუფთა;
- 5.4.7 უზრუნველყოს დერეფნის, კიბის უჯრედის და სხვა ზოგადი ტერიტორიის დასუფთავება - დერეფნები და კიბეები უნდა დაიგავოს ყოველდღიურად. კიბეები, კედლები და მოაჯირები უნდა იყოს მუდმივად სუფთა, მათზე არ უნდა იყოს რაიმე ჩამჯდარი ჭუჭყი, მტვერი და ლაქები;
- 5.4.8 უზრუნველყოს საოფისე ავეჯის, ინვენტარის (მათ შორის რბილი ავეჯი) და კომპიუტერული ტექნიკის წმენდა - საოფისე ავეჯის, ინვენტარის (მათ შორის რბილი ავეჯი) და კომპიუტერული ტექნიკა უნდა გაიწმინდოს ყოველდღე, მათზე არ უნდა იყოს ჩამჯდარი ჭუჭყი, ნათითურები, ლაქები, მტვერი, დაღვრილი ნივთიერებები და სხვა;
- 5.4.9 უზრუნველყოს სველი წერტილების დასუფთავება - სველ წერტილებში მუდმივად უნდა იყოს თხევადი საპონი, ჰიგიენური ხელსახოცები (ხელის სახოცი ქაღალდი მაღალი ხარისხის არანაკლებ 2 ფენიანი), საპირფარეშოს ქაღალდი და ჰაერის გამწმენდი აეროზოლები. სველი წერტილები უნდა მომარაგდეს ჰიგიენური პროდუქციის დისპენსერებით. სველი წერტილები უნდა გაიწმინდოს სადენზინფექციო ხსნარით. ნიჟარები, იატაკები, კედლები და სარკეები ყოველთვის უნდა იყოს სუფთა. სასაპნეები და ხელსაბანები უნდა იყოს სუფთა - არ უნდა იყოს საწმენდი მასალების და საპნის ნარჩენები. აგრეთვე, სველი წერტილები დროულად უზრუნველყოფილი უნდა იყოს საჭირო რაოდენობის ჰიგიენური საშუალებებით მთელი სამუშაო დროის განმავლობაში. თხევადი საპონი და ქაღალდის პროდუქცია სველი წერტილებისათვის უნდა იყოს ხარისხიანი, ეფექტური და მათი ხარისხი შეესაბამებოდეს ბაზარზე არსებულ უმაღლეს სტანდარტებს
- 5.4.10 უზრუნველყოს დღის განმავლობაში წარმოქმნილი უწყესრიგობის ოპერატიული აღმოფხვრა და სისუფთავის შენარჩუნება შენობის მთელ ტერიტორიაზე;
- 5.4.11 უზრუნველყოს ნაგვის ურნების დაცლა ყოველდღიურად და მოათავსოს მათში ნარჩენების შესაგროვებლად განკუთვნილი პოლიეთილენის ახალი პარკების მოთავსება;
- 5.4.12 უზრუნველყოს დასუფთავების პროცესში მოგროვილი ნარჩენის გატანა შენობიდან და შენობასთან არსებულ სანაგვე კონტეინერებში მათი მოთავსება;
- 5.4.13 უზრუნველყოს შენობის მიმდებარე ტერიტორიის (ასეთის არსებობის შემთხვევაში) დალაგება-დასუფთავება სულ მცირე კვირაში ერთხელ;
- 5.4.14 მომსახურების გაწევისას გაუფრთხილდეს შემსყიდველის ქონებას;
- 5.4.15 უზრუნველყოს შენობებში განლაგებულ საპირფარეშოებში, ხელსაბანების, ხელმძღვანელ(ებ)ის კაბინეტ(ებ)ში არსებული სველი წერტილების, დისპენსერების სისტემატიური შემოწმება;
- 5.4.16 უზრუნველყოს შენობების სრულად დასუფთავება ყოველდღიურად (შაბათ კვირის გარდა) სამუშაო საათების დაწყებამდე 9:00 სთ-მდე და 18:00 სთ-ს შემდგომ პერიოდში, ხოლო მორიგე დამლაგებლებმა, შენობების

მუდმივი შემოწმება, კონტროლი და საჭიროების შემთხვევაში დალაგება-დასუფთავების უზრუნველყოფა უნდა განხორციელდეს დილის 09:00 სთ-დან საღამოს 18:00 სთ-მდე;

5.4.17 ხელშეკრულების ფარგლებში გამოყოს წარმომადგენელი (მენეჯერი), რომელიც ყოველდღიურად ზედამხედველობას გაუწევს როგორც დამლაგებლების საქმიანობას, ასევე დისპენსერების მდგომარეობას და მომსახურების ხარისხის კონტროლს;

5.4.18 მიმწოდებლის მიერ უნდა იქნას შერჩეული და შემოთავაზებული აღნიშნული მომსახურების გაწევისათვის საჭირო ყველა საწმენდი საშუალება;

5.4.19 უზრუნველყოს მომსახურე პერსონალის მაღალი ხარისხის ინვენტარით და სახარჯი მასალით მომარაგება;

5.4.20 უზრუნველყოს დროული და ხარისხიანი მომსახურება;

5.4.21 უზრუნველყოს ყოველი მომდევნო თვისთვის განკუთვნილი სახარჯი მასალების (საპონი, ხელსახოცი, აეროზოლი, პარკები და სხვა) ობიექტებზე სრულად მიტანა წინა თვის 27 რიცხვამდე. მიმწოდებელს ასევე ეკისრება ვალდებულება სახარჯი მასალების რაოდენობა განსაზღვროს ისე, რომ არ შეიქმნას ობიექტზე სახარჯი მასალების დეფიციტი (გაითვალისწინოს ზედმეტობით);

5.4.22 ყველა ობიექტზე დისპენსერები დაამონტაჟოს ხელშეკრულების გაფორმებიდან არაუმეტეს 5 სამუშაო დღის განმავლობაში;

5.4.23 დისპენსერები უნდა იყოს ახალი, ექსპლუატაციაში არ მყოფი;

5.4.24 ექსპლუატაციის პროცესში დისპენსერის დაზიანების შემთხვევაში, მიმწოდებელი ვალდებულია 2 სამუშაო დღის განმავლობაში შეცვალოს იგი ახლით.

6. ანგარიშსწორება

6.1 ანგარიშსწორება მიმწოდებელთან განხორციელდება ლარებში, ეტაპობრივად, უნადოდ ანგარიშსწორების ფორმით მიმწოდებლის მიერ ფაქტობრივად გაწეული მომსახურების ღირებულების შესაბამისად.

6.2 ანგარიშსწორება მიმწოდებელთან განხორციელდება მომსახურების მიღება-ჩაბარების აქტის გაფორმებისა და მიმწოდებლის მიერ ანგარიშფაქტურის (თუ მიმწოდებელი დღგ-ს გადამხდელია) წარდგენის საფუძველზე, შესაბამისი დოკუმენტების სრულად წარდგენიდან არაუგვიანეს 10 (ათი) სამუშაო დღის ვადაში.

6.3 საქართველოს მოქმედი კანონმდებლობით გათვალისწინებული გადასახადის გადახდაზე პასუხისმგებელია მიმწოდებელი.

7. ხელშეკრულების ინსპექტირება

7.1 შემსყიდველი ახორციელებს კონტროლს ხელშეკრულების შესრულების ნებისმიერ ეტაპზე მიმწოდებლის მიერ ნაკისრი ვალდებულებების შესრულებაზე.

7.2 მიმწოდებელმა უნდა უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

7.3 ინსპექტირებას ახორციელებენ შემსყიდველის თანამშრომლები (შემდგომში ინსპექტირების ჯგუფი).

7.4 ინსპექტირების ჯგუფის ფუნქციებია:

7.4.1 გაუწიოს კონტროლი მომსახურების მიწოდების ვადების ხელშეკრულების მოთხოვნებთან შესაბამისობის დადგენას.

7.4.2 განხორციელოს კონტროლი მიწოდებული მომსახურების ხარისხზე, ტექნიკური დავალებით გათვალისწინებული მოთხოვნების შესაბამისობაზე.

7.4.3 მიღება-ჩაბარების აქტის საფუძველზე უზრუნველყოს მიწოდებული მომსახურების მიღება.

7.5 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის მიღება-ჩაბარების წესი

8.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული მომსახურების შესაბამისად, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერებით.

8.2 ხელშეკრულების 5.4 პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯის გაწევის გარეშე.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გადახდისუნარიობის საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.3 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 დღით ადრე წერილობით აცნობოს ამის შესახებ მეორე მხარეს.

10. მხარეთა პასუხისმგებლობა

10.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

10.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწილოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისგან.

12. ხელშეკრულებაში ცვლილებების შეტანა

12.1 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ხელშეკრულების განუყოფელი ნაწილია.

12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაჭრის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელისმოწერისთანავე და ძალაშია 2021 წლის 31 იანვრის ჩათვლით.

15. დასკვნითი დებულებები

15.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15.2 ხელშეკრულება შედგენილია ქართულ ენაზე 3 თანაბარი იურიდიული ძალის მქონე ეგზემპლარად და ინახება მხარეებთან – 2 (ორი) ეგზემპლარი შემსყიდველთან, ხოლო 1 (ერთი) მიმწოდებელთან (ან ხელშეკრულება შედგენილია ქართულ ენაზე და ფორმდება ელექტრონულად, რომლის ყველა ეგზემპლარი ორიგინალია).

16. მხარეთა მისამართები, საბანკო რეკვიზიტები და ხელმოწერები

შემსყიდველი:

მიმწოდებელი:

სსიპ "საქართველოს ფინანსთა სამინისტროს
მომსახურების სააგენტო"

ქ. თბილისი, გულუას ქ. № 4

ტელ: (995 32) 2 601 601

საიდენტიფიკაციო კოდი: 205 081 249

მიმღები: სახელმწიფო ხაზინა

მიმღების დასახელება: ხაზინის ერთიანი ანგარიში

ბანკის კოდი: TRESGE22

მიმღების ანგარიში/სახაზინო კოდი: 707027501